

LEABHRÁN EOLAIS DON IARRTHÓIR AN FORAS TAIGHDE AR OIDEACHAS (FTO)

PAINÉIL DO CÚNTÓIRÍ TAIGHDE LE GAELIGE (LABHARTHA AGUS SCRÍOFA) LÍOFA

(BUAN, TÉARMA SEASTA AGUS CUSPÓIR SONRACH)

Cúlra

Bunaíodh an Foras Taighde ar Oideachas (FTO) mar Chomhlacht Reachtúil i gcomhréir leis an Acht Oideachais (1998) i mí Mheán Fómhair 2015, ach bhí sé ann ó mhí Eanáir 1966. D'fhoilsigh sé a plean straitéiseach reatha in Aibreán 2022. Tá déchúram aige trialacha agus tacaíochtaí a sholáthar do na tástálacha seo do scoileanna mar aon le taighde oideachasúil agus staidéir mheastóireachta a dhéanamh. Ón samhradh 2020, tagann an FTO faoi théarmaí Acht na dTeangacha Oifigiúla 2003. Is féidir an clár oibre a roinnt ina seacht snáithe (le tuilleadh eolais ar fáil ag www.erc.ie):

1. Maoirseacht, seachadadh agus tuairisciú náisiúnta ar mheasúnuithe idirnáisiúnta ar mhórsála
2. Bainistíocht, maoirseacht agus tuairisciú ar mheasúnuithe náisiúnta ar mhórsála
3. Cur le polasaí ar, agus meastóireacht a dhéanamh maidir le, míbhuntáiste oideachais
4. Trialacha a fhorbairt, a chaighdeánú agus a thacú (i bhformáidí páipéir agus ar líne araon)
5. Meastóireacht cláir
6. Tacaíocht don anailís ar shonraí
7. Taighde a tionscnaítear go neamhspleách.

Tá príomhfhoirgneamh an FTO lonnaithe ar Champas Ollscoil Chathair Bhaile Átha Cliath (OCBÁC), Campas Choláiste Phádraig, i nDroim Conrach agus tá Rannóg na dTrialacha in aice láimhe ar Bhóthar Richmond, Droim Conrach. Fostaíonn an FTO thart ar 40 ball foirne a bhíonn ag obair le chéile i mbuíonta beaga comhoibrithe. Tá foireann riaracháin agus foireann bainistíochta sinsearaí an FTO ann chun tacú leis an obair, comhdhéanta den Phríomhfheidhmeannach, taighdeoirí sinsearacha, riarthóirí sinsearacha agus bainisteoir TF. Bíonn an FTO i dteagmháil le rannóga éagsúla den Roinn Oideachais agus le gníomhaireachtaí eile agus é i mbun a thionscadail taighde, agus bítear páirteach i raon coistí comhairleacha agus stiúrtha, go náisiúnta agus go hidirnáisiúnta.

Sonraíocht Poist

Is mian leis an FTO painéil a bhunú do **Chúntóirí Taighde atá líofa sa Ghaeilge**. Sannfar iarrthóirí rathúla do thionscadal taighde, meastóireachta nó forbartha tástála amháin nó níos mó i gclár oibre an FTO. Clúdóidh painéil poist bhuana, agus poist ar théarma seasta agus ar chuspóirí sonrath.

Dualgais agus Freagrachtaí

- Cuidiú le hobair riaracháin ghinearálta a bhaineann le tionscadail (m.sh. teagmháil le scoileanna agus le gníomhaireachtaí/comhlachtaí eile).

- Uirlisí a ullmhú nó a oiriúnú (m.sh. tástálacha, ceistneoirí) le húsáid i dtionscadail, faoi mhaoirseacht.
- Cuidiú le bunachair sonraí a bhainistiú.
- Freastal ar chruinnithe (b'fhéidir thar lear in amanna má bhíonn taisteal i gceist, de réir na dtreoirlínte sláinte poiblí agus Rialtais atá i réim) agus bheith i dteagmháil le gníomhaireachtaí seachtracha maidir le tionscadail sannta
- Cuardach agus athbhreithnithe litríochta a dhéanamh
- Gníomhaíochtaí próiseála sonraí agus códaithe sonraí a dhéanamh faoi mhaoirseacht
- Anailís staitistiúil a dhéanamh (m.sh., ag úsáid SPSS, HLM, MPLUS) faoi mhaoirseacht
- Obair foirne sealadaí/ócáideacha a mhaoirsiú
- Cuidiú le tuarascálacha a scríobh
- Aon dualgais réasúnach eile a dhéanamh a shanntar ó am go ham.
- Tacáocht a sholáthar do thionscadail eile de chuid an Ionaid de réir mar is gá (m.sh., trí ábhair a aistriú go Gaeilge nó trí aistriúcháin a athbhreithniú).
- Aon dualgais eile a shannfar ó am go ham a chomhlíonadh.

Tabhair aird:

Tá an tsonraíocht poist seo beartaithe mar threoir bhunúsach do raon feidhme agus do fhreagrachtaí an phoist. D'fhéadfadh sé athrú ag brath ar an/na tionscada(i)l dá sannfar don sealbhóir poist. Tá sé faoi réir athbhreithnithe leanúnaigh a eascróidh de réir chleachtais agus fheidhmeanna an FTO a bhíonn ag síorathrú. Beifear ag súil le hardleibhéal solúbthachta.

Riachtanais Saoránachta

Ní mór d'iarrthóirí a bheith faoi cheann amháin (nó níos mó) de na cúig chritéar thíos ar an dáta a gcuirtear an t-iarratais isteach:

- Saoránach de Limistéar Eacnamaíoch na hEorpa. Cuimsíonn an LEE Ballstáit an Aontais Eorpaigh, an Íoslainn, Lichtinstéin agus an Iorua; nó
- Saoránach de chuid na Ríochta Aontaithe faoi Chosaint an Chomhlimistéir Taistil
- Saoránach de chuid na hÚcráine a bhfuil litir faighte aige/aici ag deimhniú gur deonaíodh Cosaint Shealadach faoin Treoir AE; nó
- Saoránach de chuid na hEilvéise de bhun an chomhaontaithe idir an AE agus an Eilvéis maidir le saorghluaiseacht daoine; nó
- Saoránach neamh-LEE atá ina chéile nó ina leanbh de shaoránach LEE nó Eilvéiseach agus a bhfuil stampa 4 aige/aici; nó
- Duine a bhfuil cosaint idirnáisiúnta bronnta air/uirthi faoin Acht um Chosaint Idirnáisiúnta 2015 nó ar aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil stampa 4 aige/aici; nó
- Saoránach neamh-LEE atá mar thuismitheoir nó leanbh cleithiúnach ag saoránach de bhallstát LEE nó san Eilvéis agus a bhfuil cónaí air nó uirthi i mballstát LEE agus a bhfuil stampa 4 aige/aici.

Riachtanais Éigeantacha Duine

Ba chóir don iarrthóir rathúil na riachtanais seo go léir a chomhlíonadh ag an am a chuirtear an t-iarratais isteach:

- Inniúlacht láidir (CTET/TEG Leibhéal C2 nó a chomhionann) i nGaeilge labhartha agus scríofa.

- Céim onórach (1 nó 2:1) i ndisciplín ábhartha (m.sh., oideachas, léann Gaeilge, staidéir aistriúcháin, síceolaíocht, eolaíocht shóisialta, staitisticí, anailísíocht sonraí, eacnamaíocht)
- Eolas maith oibre ar chóras oideachais na hÉireann
- Ardleibhéal cumais maidir le feidhmchláir Microsoft a úsáid (e.g. Word, Excel, PowerPoint)
- Fianaise ar shárchumas scríbhneoireachta, go foirmiúil agus go neamhfhoirmiúil araon
- Sárscileanna idirphearsanta agus cumarsáide, go háirithe an cumas a bheith i dteagmháil le scoileanna agus le hinstitiúidí agus/nó comhlachtaí oideachais eile
- Scileanna láidre pleanála agus scileanna eagrúcháin cruthaithe
- Fianaise ar éifeachtacht phearsanta láidir, solúbthacht agus réiteach fadhbanna
- Cumas oibriú as a stuaim féin agus oibriú mar chuid d'fhoireann
- Aird-dhíriú ar mhionsonraí.
- Cumas freagairt do thosaíochtaí iomaíocha.

Taithí, Scileanna agus Tréithe Inmhianaithe

Bheadh ceann amháin nó níos mó díobh seo a leanas an-bhuntaisteach:

- Iarchéim i ndisciplín ábhartha (m.sh., oideachas, léann Gaeilge, staidéir aistriúcháin, síceolaíocht, eolaíocht shóisialta, staitisticí, anailísíocht sonraí)
- Eolas ar fhorbairt agus úsáid trialacha caighdeánaithe (m.sh., do Ghaeilge, Béarla, nó matamaitic).
- Taithí ar ábhair so-úsáidte do leanaí a dhearadh (mar shampla, bileoga eolais, bileoga gníomhaíochta).
- Taithí ar shuirbhéanna/cheistneoirí a fhorbairt agus a dhearadh.
- Eolas agus tuiscint ar choincheapa staidrimh a bhaineann le suirbhéanna agus measúnuithe
- Taithí ar scileanna anailíse staidrimh (i.e. SPSS nó bogearraí dá samhail a úsáid)
- Taithí ar fheidhmchláir bhunachar sonraí a úsáid agus a bhainistiú (ar nós Microsoft Access).
- Taithí ar bheith ag obair ar mheasúnú nó ar shuirbhé ar mhórsála.
- Taithí ar anailís dhéathróg agus de rogha ilathróg, ar shonraí staitistiúla
- Eolas ar shíciméadracht (m.sh. teoiric tástála clasaiceach, teoiric freagartha mír)
- Eolas ar bhunphrionsabail samplála agus ualaithe
- Taithí ar thástálacha síciméadracha a thógáil agus a chaighdeánú
- Ceadúnas tiomána glan iomlán reatha
- Fáil ar charr do thaisteal ó am go ham a bhaineann leis an obair.

I ndiaidh na hearcaíochta, cruthófar painéil d'iarrthóirí rathúla. Déanfar ceapacháin ar bhonn buan, téarma seasta nó cuspóra shonraithe ag brath ar an bhfolúntas. Fanfaidh na painéil i bhfeidhm ar feadh 12 mhí ó dháta a gcruthaithe agus féadfar iad a athnuachan uair amháin do thréimhse 6 mhí eile.

Scála Tuarastail

Déanfar an ceapachán ar scála an Chúntóra Taighde (€35,233 - €48,551) sa stáit seirbhís (Scála Ranníocaíochta Pinsean Pearsanta (PPC) ag Feabhra 2022 ag pointe atá de réir Pholasáí Pá reatha an Rialtais, agus iontrálaithe nua ag tosú ag an gcéad phointe den scála. D'fhéadfadh go mbeadh téarmaí agus coinníollacha éagsúla i gceist má tharlaíonn, díreach roimh an gceapachán, go mbíonn an t-iarrthóir rathúil ag feidhmiú mar státseirbhíseach/seirbhíseach poiblí.

Pinsean

Déanfar na téarmaí agus coinníollacha aoisliúntais cuí, mar a bhí i réim san FTO ag am an cheapacháin, a ofráil don iarrthóir rathúil. Ar an iomlán, agus seachas iarrthóirí a d'oibrigh i bpost inphinsin sa tseirbhís phoiblí (téarmaí neamh-aonair) don 26 seachtain roimh cheapachán, ciallaíonn sé sin ballraíocht i Scéim Pinsin na Seirbhíse Poiblí Aonair ("Scéim Aonair"). Sa chás deireanach, áfach, d'fhéadfadh go mbeadh roinnt eisceachtaí i gceist.

Láthair Oibre

Beidh an ceapaí don ról seo lonnaithe i bpríomhoifig an FTO, i nDroim Conrach, Baile Átha Cliath. Tá an FTO i mbun Polasáí Oibre Cumaisc a fhorbairt ina gceadófar roinnt roghanna cianoibre do bhaill foirne. Beidh na roghanna cianoibre ag brath ar iarratas a bheith curtha isteach ag na hiarrthóirí agus ag brath ar riachtanas an tionscadail ábhartha. Nuair a bhíonn an ceapaí as láthair ón mbaile agus ón láthair oibre ar dhualgas oifigiúil, íocfar costais taistil agus liúntais chothaithe cuí leis an gceapaí, de réir ghnáthrialacháin na státseirbhíse/na hearnála poiblí.

Tionacht

I gcás cheapacháin chuig post buan nó sealadach leis an FTO beidh tréimhse phromhaidh ag an gceapaí, a mhairfidh 6 mhí de ghnáth. Má tharlaíonn ag am ar bith le linn na tréimhse seo nach mbíonn an ceapaí oiriúnach do cheapachán deiridh cuirfear críoch leis an bpromhadh.

Uaireanta oibre

Ní bheidh na huaireanta oibre níos lú ná 35 uair an chloig glan in aghaidh na seachtaine. Beidh ar an gceapaí pé uaireanta breise a oibriú ó am go ham a bheidh réasúnach agus riachtanach chun a d(h)ualgais a chomhlíonadh go cuí faoi réir na dteorainneacha mar atá sna rialacháin ama oibre.

Conas Iarratas a Dhéanamh

Ní ghlacfar ach le hiarratais a chuirfear isteach go leictreonach. Ní ghlacfar le hiarratais i ndiaidh an spriocdháta agus an am dúnta.

IS É AM DÚNTA AGUS SPRIODHÁTA d'IARRATAIS NÁ: 5.00pm (am na hÉireann), Dé hAoine 19 Lúnasa 2022.

Caithear na hiarratais a chur isteach i nGaeilge agus spreagtar iarrthóirí chun cóip a chur isteach i mBéarla freisin. Caithear iad seo a bheith leis an iarratas:

1. Litir chládaigh ghairid nach mó ná 2 leathanach (íosmhéid téacs 11) ag míniú an fáth go bhfuil tú ag cur isteach ar an bpost agus an chaoi a dtagann do thaithí le Riachtanais an Duine agus, mar is infheidhme, Taithí, Scileanna agus Tréithe inmhianaithe don phost.

- CV cothrom le dáta **nach mó ná ceithre leathanach** ar fhad a chuimsíonn ainmneacha agus sonraí teagmhála (uimhir ghutháin agus ríomhphost) beirt mholtóirí.

Caithfear gach doiciméad a chur isteach i bhformáid Word nó PDF. Ní ghlacfar, ar chúiseanna slándála, le comhaid a sheoltar trí ríomhphost mar naisc chuig cáipéisí i bhfreastalaithe roinnte scamall-bhunaithe.

Ba chóir an t-iarratas comhlánaithe a chur chuig: vacancies@erc.ie, agus ‘Cúntóir Taighde – Post Gaeilge’ a lua i gceannteideal an ábhair.

Mura bhfaigheann tú admháil go bhfuarthas d’iarratas chuig vacancies@erc.ie, laistigh de 24 uair an chloig ón uair a dhéantar an t-iarratas, déan teagmháil lenár nOifigeach AD, Hertes Oliver Da Silva, at hertes.dasilva@erc.ie. Faoi réir fhorálacha an Achta um Shaoráil Faisnéise, 1997 arna leasú, déileálfar le hiarratais faoi rún daingean.

Cumarsáid

Eiseofar nuashonruithe feachtais chuig an seoladh ríomhphoist a sholáthraítear le d’iarratas. Tá sé de dhualgas ar gach iarratasóir a chinntiú go bhfuil gach cumarsáid á fháil acu ón FTO. Moltar d’iarrthóirí a ríomhphoist a sheiceáil go rialta le linn tréimhse an chomórtais. Ina theannta sin, is cóir d’iarrthóirí na fillteáin bruscair/turscair a sheiceáil ar eagla go ndéantar aon ríomhphoist a scagadh trí thimpiste. Ní bheidh aon fhreagracht ar an FTO maidir le cumarsáid nach n-éiríonn leis an iarrthóir a rochtain nó a fháil.

Modh Roghnúcháin

D’fhéadfadh go ndéanfar iarrthóirí a ghearrliostú sa roghnú bunaithe ar an eolas san iarratas. Déanfaidh Bord Agallaimh saineolaithe na hiarratais a iniúchadh de réir na gcritéar réamhshocraithe bunaithe ar riachtanais an phoist. D’fhéadfadh go mbeadh ceann amháin nó níos mó díobh seo i gceist leis an modh roghnúcháin:

- Gearrliostú bunaithe ar litir chumhdaigh, agus CV;
- Agalla(i)mh i mBéarla agus/nó i nGaeilge;
- Cur i láthair nó aon trialacha nó cleachtaí eile a shíltear a bheith iomchuí;
- Triail teanga/cumarsáide (ó bhéal agus/nó i scríbhinn).

Má bhíonn Gaeilge riachtanach do phost, féadfar cuireadh a thabhairt d’iarrthóirí gearrliosta measúnú ar leithligh a dhéanamh i nGaeilge (scríofa agus/nó ó bhéal), mar aon le hagallamh.

Beidh cuireadh chuig agalla(i)mh ag na hiarrthóirí ar an ngearrliosta agus tarlóidh siad seo idir dhá sheachtain agus ceithre sheachtain tar éis spriocdháta na n-iarratas, nó chomh gairid agus is féidir don amlíne sin. Cuirfear tuilleadh eolais agus treoirlínite faoin bpróiseas roghnúcháin ar fáil d’iarrthóirí ar an ngearrliosta seachtain amháin ar a laghad roimh an agallamh chun ullmhúchán a éascú.

Eiseofar fógra faoi dháta agus am an agallaimh chuig na hiarrthóirí ar an seoladh ríomhphoist a chuirtear ar fáil ar an bhfoirm iarratais. Ba chóir d’iarrthóirí a bheith ar fáil ar an dáta/na dátaí a

bhíonn luaite ag an FTO agus is cóir a chinntiú go mbíonn na sonraí teagmhála a thugtar ar a n-iarratas ceart.

Ní bheidh iarrthóirí nach bhfreastalaíonn ar agallamh nó ar aon ghné eile nuair a iarrann an FTO a leithéid agus san áit a iarrtar, nó nach soláthraíonn cibé eolas eile ar aon ábhar a éilíonn an FTO maidir lena n-iarrthóireacht i dteideal aon bhreithniú breise.

Coimeádann an FTO an ceart aige féin agallaimh a dhéanamh ar líne go cianda nó duine le duine de réir mar is gá, agus a éileamh ar iarrthóirí freastal ar an dara hagallamh agus / nó measúnuithe nó trialacha breise a dhéanamh de réir mar a shíltear iomchuí agus riachtanach i ndiaidh an chéad agallaimh.

Déanfar an post a ofráil don iarrthóir a roghnaítear faoi réir tagairtí sásúla ó mholtóirí. **Ní** rachfar i dteagmháil le moltóirí gan cead a bheith faighte roimh ré ón iarrthóir.

Painéal

Ag eascairt as an gcomórtas seo, féadfaidh an FTO painéal a chruthú óna bhféadfar folúntais den chineál céanna a líonadh sa todhchaí. Má chruthaítear painéal, coimeádann an FTO an ceart nach ndéanfar ach líon áirithe a chur ar an bpainéal sin. Ní deimhniú ar cheapachán poist é má bhítear cáilithe agus curtha ar an bpainéal.

Ní bheidh aon cheart ar phost ag iarrthóirí nach gceapfar ar dhul in éag don phainéal (12 mhí tar éis a chruthú sa chás seo le féidearthacht sé mhí breise) toisc go rabhadar ar an bpainéal.

A luaithe a dhiúltaítear ceapacháin do chuspóir sonraithe nó do théarma shocraithe, féadfaidh an t-iarrthóir fanacht ar an bpainéal go dtí go rachaidh an painéal in éag, do phoist bhuna amháin (is é sin, ní ndéanfar cuspóir sonraithe ná téarma seasta a ofráil don iarrthóir).

A luaithe a ghlacfaidh iarrthóir le tairiscint ceapacháin chuig cuspóir sonraithe nó do théarma shocraithe, féadfaidh an t-iarrthóir fanacht ar an bpainéal go dtí go rachaidh an painéal in éag d'aon cheapachán cuspóir sonraithe nó téarma shocraithe a thagann chun cinn.

A luaithe a ghlacfaidh nó a dhiúltóidh iarrthóir le tairiscint ceapacháin chuig post buan, ní fhanfaidh an t-iarrthóir ar an bpainéal atá i gceist agus féadfaidh an FTO duine eile a roghnú do cheapacháin bunaithe ar thorthaí an phróisis roghnúcháin. Cuirfear faisnéis níos mionsonraithe ar fáil d'iarrthóirí rathúla.

Eolas Tábhachtach Eile

Ní bheidh an FTO freagrach as aon chostais a bhíonn ar iarrthóirí. Ní hionann duine a ligean isteach i gcomórtas, nó cuireadh chun agallaimh a thabhairt do dhuine, nó toradh rathúil a fhógairt, agus a thabhairt le fios go bhfuil an FTO sásta go sásaíonn a leithéid de dhuine riachtanais nó nach bhfuil sé dícháilithe de réir dlí don phost agus níl ráthaíocht ann go leanfar le d'iarratas a chur san áireamh.

Tá sé tábhachtach d'iarrthóirí, dá réir sin, a bheith san airdeall go sásaíonn siad riachtanais incháilitheachta an chomórtais sula bhfreastalaíonn siad ar agallaimh. Mura gcomhlíontar bunriachtanais iontrála, ach go bhfreastalaíonn iarratasóirí mar sin féin ar agallamh, d'fhéadfaí costas neamhriachtanach a bheith curtha amú aige nó aici.

Sula ndéantar iarrthóir a mholadh don cheapachán sa phost seo, fiosróidh an FTO gach ní a shíltear a bheith riachtanach chun oiriúnacht an iarrthóra sin a dheimhniú. Go dtí go mbíonn gach céim den phróiseas earcaíochta críochnaithe go hiomlán, ní bheidh sé indéanta cinneadh críochnaitheach a dhéanamh ná ní bheifear ábalta a mheas ná a thuiscint go ndearnadh cinneadh dá leithéid. Má dhiúltaíonn an duine a mholtar don phost, nó tar éis glacadh leis go scoiltear leis, agus má thagann folúntas breise chun cinn, féadfaidh an Bord Agallaimh, dá rogha féin, duine eile a roghnú agus a mholadh le haghaidh ceapacháin ar thorthaí an phróisis roghnúcháin seo.

Léiríonn a bhfuil thuas na príomhchoinníollacha seirbhíse agus níl sé i gceist gur liosta cuimsitheach é de na téarmaí agus coinníollacha fostaíochta go léir a bheidh sa chonradh fostaíochta a chomhaontófar leis an iarrthóir rathúil.

Na hAchtanna um Chosaint Sonraí, 1988 agus 2003; RGCS (GDPR) 2018

Nuair a fhaightear foirm iarratais iarrthóra, cruthóidh an FTO taifead in ainm an iarrthóra, ina mbeidh cuid mhaith den eolas phearsanta a sholáthraítear. Is do phróiseáil an iarratais amháin a úsáidfear an taifead pearsanta seo agus má éiríonn leis an iarrthóir coimeádfar eolas áirithe don tréimhse amach anseo. Tá a leithéid d'eolas faoi réir chearta agus oibleagáidí na nAchtanna um Chosaint Sonraí, 1988 & 2003 agus an Rialachán Ginearálta maidir le Cosaint Sonraí (RGCS), 2018.

Chun éileamh a dhéanamh faoi na hAchtanna um Chosaint Sonraí 1988 & 2003 / RGCS 2018, cuir d'iarratas i scríbhinn chuig an Oifigeach um Chosaint Sonraí ag Data.Protection@erc.ie. Bí cinnte go ndéanann tú cur síos chomh mion agus is féidir ar na taifid atá á lorg agat ionas gur féidir na taifid ábhartha a aithint.

Soláthraíonn an FTO timpeallacht oibre sholúbtha agus dhinimiciúil agus is fostóir comhdheiseanna é atá tiomanta do thimpeallacht chuimsitheach a chruthú ina ndéantar an éagsúlacht a cheiliúradh. Fáiltítear roimh iarratais ó gach duine, lena n-áirítear iad siúd a shainaithníonn le haon cheann de na tréithe cosanta atá leagtha amach inár bpolasaí um Chomhionannas, Éagsúlacht agus Chuimsitheacht (<https://www.erc.ie/wp-content/uploads/2022/07/Equality-Respect-and-Dignity-in-the-Workplace-Policy-V1.pdf>) agus ag an Údarás Náisiúnta Míchumais (<https://nda.ie/disability-overview/definitions/>).